

Namjena zemljišta: -izgradnja poslovnog objekta dječije odmaralište.

Spratnost: 2S+P+1+M

Član 4.

Za neizgrađeno građevinskog zemljišta iz tačke I. ove Odluke kupac je dužan platiti iznosi 40.040,00 KM.

Za pogodnost građevinskog zemljišta -rentu Kupac je dužan platiti iznosi 10.486,80 KM.

Za naknadu za uređenje građevinskog zemljišta Kupac je dužan platiti iznosi 68.001,00 KM.

Član 5.

Kapara koju je kupac dužan platiti utvrđuje se u iznosu od 10% od početne prodajne cijene nekretnine iz člana 1. ove odluke i iznosi 4.004,00 KM i ista se uplaćuje prije zaključivanja ugovora o kupoprodaji.

U slučaju odustajanja od zaključivanja kupoprodajnog ugovora, kupac nema pravo na povrat uplaćene kapare.

Član 6.

Ovlašćuje se općinski načelnik da sa Kupcem zaključi ugovor o kupoprodaji u formi notarski obrađene isprave u roku od 15 od stupanja na snagu ove odluke.

Član 7.

Troškove notarske obrade kupoprodajnog ugovora, poreza na promet nekretnina i troškove upisa snosi kupac.

Član 8.

Kupac je dužan kupoprodajnu cijenu za neizgrađeno građevinsko zemljište, naknadu za pogodnost građevinskog zemljišta-rentu i naknadu za uređenje zemljišta uplatiti u roku od 20 dana od dana zaključenja kupoprodajnog ugovora. Ukoliko kupac u naznačenom roku ne plati ugovorenu kupoprodajnu cijenu, naknadu za pogodnost građevinskog zemljišta i naknadu za uređenje građevinskog zemljišta, smatrat će se da je jednostrano raskinuo kupoprodajni ugovor.

Kupac se ne može uknjižiti kao vlasnik i posjednik nekretnina dok ne uplati kupoprodajnu cijenu za neizgrađeno građevinsko zemljište, naknadu za pogodnost građevinskog zemljišta-rentu i naknadu za uređenje zemljišta.

Član 9.

Ova odluka stupa na snagu danom objave na oglasnoj ploči Općine Trnovo, a naknadno će se objaviti u "Službenim novinama Kantona Sarajevo".

Broj 01-31-2276/16
18. juni 2016. godine
Trnovo

Predsjedavajući
Općinskog vijeća Trnovo
Zijo Krupalija, s. r.

Odluka objavljena na oglasnoj ploči Općine Trnovo dana 15.06.2016. godine

Na osnovu člana 29. stav 2.. Zakona o prostornom uređenju ("Službene novine Kantona Sarajevo", broj 7/05) i člana 24. i 117. Statuta Trnovo ("Službene novine Kantona Sarajevo", broj 12/08), Općinsko vijeće Trnovo, na 21 sjednici, održanoj dana 14.06. 2016. godine, donijelo je

ODLUKU

O PROVOĐENJU REGULACIONOG PLANA "SPORTSKO-REKREACIONI CENTAR BJELAŠNICA-DONJA GRKARICA-PREČKO POLJE - KOLJEVKA"

- I FAZA-PREČKO POLJE -

Član 1.

Ovom Odlukom utvrđuju se uslovi korištenja, izgradnje, uređenja i zaštite prostora i način provođenja Regulacionog plana "Sportsko-rekreacioni centar Bjelašnica-Donja Grkarica-Prečko polje-Koljevka -I FAZA - PREČKO POLJE (u daljem tekstu: Plan), a naročito granice prostorne cjeline, namjena površina,

urbanističko-tehnički uslovi za izgradnju građevina i uređenje građevinskog zemljišta, mjere zaštite stanovnika i materijalnih dobara od prirodnih i ljudskim djelovanjem izazvanih nepogoda i katastrofa i ratnih djelovanja, mjere zaštite prava lica sa smanjenim tjelesnim sposobnostima, te uslovi uređenja zelenih i slobodnih površina.

Član 2.

Granice područja obuhvaćenog Regulacionim planom "Sportsko-rekreacioni centar Bjelašnica-Donja Grkarica-Prečko polje-Koljevka utvrđene su u članu 2. Odluke o pristupanju izradi Plana ("Službene novine Kantona Sarajevo", br. 26/07).

Član 3.

I faza Plana obuhvata područje čije su granice definisane Odlukom o proglašenju javnog interesa za izgradnju objekata turističkog naselja na lokalitetu Prečko polje ("Službene novine Kantona Sarajevo", br. 12/15). Granica obuhvata I faze Plana polazi od tromede parcela k.č. 1498, 1499 i 1489, potom produžava na sjever idući međama parcela k.č. 1498, 1494/2, 1493/2, 1491, 1490/2, 1490/1, 1490/3, 1492/1, 1508/1, 1509, 1519, 15201521, 1522 (obuhvata ih), zatim skreće na istok, te sjever idući međama parcela k.č. 1529, 1556, 1344/1, 1345/1, 1346, 1356, 1357 (obuhvata ih) i dolazi u tromedu parcela k.č. 1357, 1355 i 1451. Granica obuhvata nastavlja na sjever idući preko parcela k.č. 1451, 3077 (koordinate prelomnih tačaka: br. 1 y=6526959, x=4840387; br. 2 y=6526932, x=4840417; br. 3 y=6527000, x=4840397) i dolazi u tačku br. 4 koja se nalazi na medi između parcela k.č. 1451 i 3077, a ima koordinate y=6527000, x=4840387, potom produžava na istok, te jug idući međama parcela k.č. 1451, 1333, 1291, 1289, 1288, 1287, 1286, 1281, 1282, 1283, 1271, 1255, 1258, 1259, 1708, 1706, 1702, 1701, 1700, 1699, 1693, 1692, 1691, 1690, 1680, 1677, 1676 (obuhvata ih) i dolazi do četveromede parcela k.č. 3734, 1676, 1672 i 1675. Granica obuhvata nastavlja na jugozapad idući međama parcela k.č. 1675, 1674, 1673, 1699, 1670 (obuhvata ih) i dolazi na južni rub parcele k.č. 1670, potom nastavlja u istom pravcu sijekuci parcele k.č. 1672, 1622, 1603, 1601/1 (koordinate prelomnih tačaka: br. 5 y=6527753, x=4839631; br. 6 y=6527746, x= 4839618; br. 7 y=6527735, x=4839620; br. 8 y=6527672, x=4839590; br. 9 y=6527588, x=4839476; br. 10 y=6527580, x=4839442; br. 11 y=6527540, x=4839398; br. 12 y=6527407, x=4839310; br. 13 y=6527386, x=4839283; br. 14 y=6527387, x=4839237) i dolazi u tačku br. 15, koja se nalazi na medi između parcela k.č.1601/1, 3731/1, a ima koordinate y=6527379, x=4839199. Granica obuhvata nastavlja na sjeverozapad idući međama parcela k.č. 1597/1, 1596 (obuhvata ih) i dolazi u tromedu parcela k.č. 1489, 1593 i 1596, zatim presijeca parcelu k.č. 1489 (koordinate prelomnih tačaka: br. 16 y=6527087, x=4839254; br. 17 y=6527029, x=4839273; br. 18 y=6527004, x=4839273; br. 19 y=6526991, x=4839300; br. 20 y=6526967, x=4839321; br. 21 y=6526934, x=4839325), te obuhvata parcele k.č. 1500 i 1499, i dolazi do mjesta odakle je opis granice i počeo.

Navedeni obuhvat se nalazi u K.O. Dejčići, općina Trnovo.

Ukupna površina obuhvata iznosi 137,11 ha.

Član 4.

Izgradnja na ovom području vršiće se na osnovu Plana - I faza.

Član 5.

Izgradnja na predmetnom lokalitetu se može vršiti u više faza.

Član 6.

U obuhvatu I faze Plana definisana je zona sa namjenom:

- sport i rekreacija sa smještajnim kapacitetima i pratećim centralnim djelatnostima u funkciji sporta i rekreacije (137,11 ha).

Član 7.

Uređenje građevinskog zemljišta se mora izvesti u obimu i na način kako je to predviđeno I fazom Plana.

Izgradnja građevina ne može započeti bez prethodnog minimalnog uređenja građevinskog zemljišta, što podrazumijeva: obezbjeđenje saobraćajnog pristupa parceli, priključenje na vodovodnu, kanalizacionu i elektroenergetsku mrežu, te eventualno izmještanje vodova komunalne infrastrukture.

Izgradnja građevina ne može započeti prije uklanjanja objekata predviđenih za rušenje. Izuzetno, ovi objekti mogu se koristiti za potrebe gradilišta, ali se isti moraju ukloniti prije podnošenja zahtjeva za tehnički prijem građevine. Privremeno korištenje građevinskog zemljišta koje nije privedeno krajnjoj namjeni se ne može odobriti.

Član 8.

Urbanističko-tehnički uslovi za izgradnju građevina:

Regulaciona linija i parcelacija:

- Građevinske parcele su utvrđene regulacionom linijom i definisane u grafičkom dijelu I faze Plana.
- Građevinska parcela se može realizovati fazno, pod uslovom da svaka faza mora zadovoljiti kriterijume izgradnje date I fazom Plana.
- Moguće je izvršiti spajanje dvije ili više građevinskih parcela u jednu, pri čemu se ne može remetiti planirani saobraćajni koncept. Pored toga, BGP objekta na većoj /združenoj/ parceli ne smije biti veća od zbira svih BGP objekata na pojedinačnim parcelama.

Građevinska linija:

- Građevinska linija utvrđuje dio građevinske parcele na kojoj je moguće izgraditi građevinu. Građevinskom linijom je utvrđena udaljenost objekta od regulacione linije i pravac pružanja ulične fasade.
- Građevinska linija ne može prelaziti regulacionu liniju, osim ako ista nije predviđena I fazom Plana.
- Unutar zadane građevinske parcele, moguća je postavka objekta drugačije u odnosu na onu utvrđenu u grafičkom dijelu I faze Plana, pri čemu treba poštovati minimalna odstupanja objekta od granice susjednih parcela (min. 3,0 m).
- Unutar građevinskih linija investitor je slobodan da definiše tlocrt građevina u ovisnosti od potreba i želja. Građevinska linija se ne može preći nijednim dijelom građevine.
- Građevinska linija podrumске etaže može biti veća od građevinske linije osnovnog gabarita objekta, ali samo na dijelu koji je cijelom površinom ukopan u odnosu na uređeni teren. Udaljenost građevinske linije podruma u odnosu na susjednu parcelu je minimalno 1,0 m, zbog mogućnosti realizacije zaštitne građevinske jame. Kod realizacije navedene podrumске etaže voditi računa da se ne ugrozi stabilnost objekata na susjednim parcelama.

Spratna visina i etaže objekata:

- Planirana spratnost je utvrđena I fazom Plana i ne može se mijenjati.
- Etaže objekta su: podrum ("Po"), suteran ("S"), prizemlje ("P"), spratovi P", "2"...), potkrovlje ("Pt").
- Podrumom se smatra najniža etaža zgrade koja je najmanje jednom polovinom volumena i sa svim stranama ukopana u odnosu na uređeni teren (više od 50%). Jedna ili više podrumskih etaža mogu se realizirati kod izgradnje planiranih građevina, pod uslovom da se obezbijede odgovarajuće tehničke mjere u cilju zaštite od podzemnih i površinskih voda kao i obrušavanja terena.
- Suteran je etaža djelimično ukopana u teren sa tri strane i jednom slobodnom fasadom, kao i etaža zgrade koja je ukopana u odnosu na uređeni teren između jedne četvrtine do jedne polovine svog volumena (između 25% i 50%).

- Kod svih planiranih objekata, minimalno 30% od ukupne građevinske parcele treba biti rezervisano za zelene površine.
- Izgradnja nadstrešnica, garaža i ostalih pomoćnih objekata (koji su u funkciji matične građevine) može se odobriti, ukoliko za to postoje prostorne mogućnosti.

Član 9.

Urbanističko-tehnički uslovi za izgradnju rezidencijalnih objekata u funkciji turizma (ukupno 718 objekata), pored uslova naznačenih u članu 8. Odluke:

- objekti su tipski (četiri tipa), spratnosti: P+1, uz mogućnost uspostavljanja suterenske etaže, ovisno o konkretnim zahtjevima na pojedinim parcelama za formiranjem iste (nagib terena, položaj objekta u odnosu na pristupnu saobraćajnicu i sl.);
- parkiranje/garažiranje za rezidencija I ne objekte je obezbijedeno na pripadajućoj građevinskoj parceli (unutar gabarita objekta ili u vidu izgradnje pomoćnog objekta-garaže, odnosno na otvorenom parkiralištu u okviru pripadajuće građevinske parcele) - u skladu sa čl. 21. Odluke.

Član 10.

Urbanističko-tehnički uslovi za izgradnju objekata centralnih djelatnosti (pored uslova naznačenih u članu 8. Odluke):

- hotelski i apartmanski smještaj (ukupno 125 objekata), od čega je:
- 70 objekata spratnosti: P+4;
- za ove objekte dozvoljeno je spajanje dva ili više objekata gradnjom "tope veze" u nivou prizemlja ili sprata;
- 55 objekata u sklopu Vila hotela (54 vile+administracija), spratnosti: P+1;
- komercijalne djelatnosti (ukupno 36 objekata, namjene: trgovina, ugostiteljstvo, finansije, uslužno zanatstvo):
- objekti su spratnosti: P+0 (uz mogućnost formiranja galerije ili potkrovlja); ukupna tlocrtna površina objekata iznosi 8 225 m², a BGP 8 225 m² (od čega je u sklopu parcele planiranog Spa centra predviđena izgradnja 10 objekata, ukupne tlocrtne, odnosno BGP 945 m², sa ostalim pratećim sadržajima);
- 1 trgovačko - poslovni centar:
 - spratnost objekta iznosi P+4, tlocrtna površina objekta iznosi 15000 m², a BGP 75000 m²;
- 1 bolnica:
 - spratnost objekta iznosi P+4, tlocrtna površina objekta iznosi 9641 m², a BGP 48205 m²;
- 3 vjerska objekta:
- ukupne tlocrtna površine objekata 1269 m², a BGP 1269 m².

Za sve objekte centralnih djelatnosti moguće je uspostavljanje suterenske etaže ili jedne ili više podzemnih etaža garaže, ovisno o konkretnim zahtjevima na pojedinim parcelama za formiranjem iste.

Za sve objekte centralnih djelatnosti, parkiranje/garažiranje je obezbijedeno na pripadajućoj građevinskoj parceli (unutar gabarita objekta ili na otvorenom parkiralištu u okviru pripadajuće građevinske parcele) i/ili u sklopu javnih garaža/parkinga - u skladu sa čl. 21. Odluke.

Član 11.

Urbanističko-tehnički uslovi za izgradnju sportskog objekta i terena, pored uslova naznačenih u članu 8. Odluke:

- max. tlocrtna površina sportske dvorane 5850 m², a BGP 5850 m²;
- parkiranje je obezbijedeno u sklopu javnih parkinga - u skladu sa čl. 21. Odluke.

Član 12.

Izgradnja vjerskih objekata na predmetnom lokalitetu moguća je isključivo na inicijativu vjerskih zajednica, a u skladu sa važećom zakonskom regulativom.

Član 13.

U poslovnim prostorima mogu se obavljati sve djelatnosti koje ne ugrožavaju prirodnu sredinu i okoliš, ne remete korištenje susjednih objekata i sadržaja i koje se vrše u objektima izgrađenim u skladu sa važećim propisima (u odnosu na djelatnosti koje se u njima obavljaju).

Član 14.

Uslovi za izgradnju objekata na terenima koji su u Elaboratu o inženjerskogeološkim i geotehničkim karakteristikama terena označeni kao:

- stabilni tereni (ST), potrebno je, prije izgradnje i izvođenja radova na pripremi građevinskih površina, izvršiti detaljna geotehnička ispitivanja, te na bazi postignutih rezultata definisati uslove izgradnje na ovakvim terenima.

Član 15.

Pri izdavanju dozvole za građenje arhitektonskih objekata potrebno je pribaviti inženjerskogeološki i geotehnički nalaz i uslove temeljenja od stručnih institucija, a statički proračun mora se dimenzionirati za potrebe najmanje 8° MCS.

Obim i kvalitet izvedenih radova vezanih za geoinženjerske uslove moraju biti verifikovani u okviru tehničkog prijema, a upotreba dozvola se ne može izdati ukoliko predviđeni radovi nisu u obimu i kvalitetu zadovoljavajući.

Član 16.

Vodosnabdijevanje predmetnog lokaliteta će biti obezbijedeno zahvatanjem vode sa izvorišta, koja će se zatim transportovati do planiranih rezervoara: Rz-1 (V=1800 m³ na koti 1050 m.n.m. - K.D.R.) i rezervoara Rz-2 (V=200 m³ na koti 1085 m.n.m. - K.D.R.). Rezervoar Rz-2 će se snabdijevati vodom pumpanjem iz rezervoara Rz-1.

Član 17.

Sistem odvodnje otpadnih i oborinskih voda predmetnog lokaliteta podrazumijeva izgradnju mreže i potrebnih predtretmana u skladu sa Uredbom o uslovima ispuštanja otpadnih voda u prirodne recipijente i sisteme javne kanalizacije ("Službene novine Federacije BiH", br. 04/12).

Član 18.

Izgradnja objekata privremenog karaktera može se odobriti isključivo za potrebe gradilišta, a u skladu sa članom 77. Zakona o prostornom uređenju Kantona Sarajevo ("Službene novine Kantona Sarajevo" br. 07/05).

Član 19.

Dozvoljeno je ograđivanje građevinskih parcela planiranih objekata; ograda treba biti transparentna i u kombinaciji sa živim materijalom (živa ograda). Dozvoljeno je ograđivanje planiranih sportsko-rekreativnih sadržaja, ukoliko je to potrebno radi njihovog nesmetanog korištenja i to transparentnom ogradom visine do 2,2 m.

Unutar saobraćajnog ugla preglednosti ne mogu se postavljati ograde, vršiti sadnja visokog zelenila ili graditi druge fizičke strukture.

Član 20.

Tačan položaj trasa i objekata planiranog vertikalnog transporta (žičare i ski liftovi) će se utvrditi na osnovu stvarnih potreba vlasnika i korisnika prostora, a u skladu sa prostornim mogućnostima.

Član 21.

Saobraćajne površine i površine za parkiranje i garažiranje vozila utvrđene su I fazom Plana - faza saobraćaja.

Parkiranje/garažiranje za rezidencijalne objekte u funkciji turizma je obezbijedeno na pripadajućoj građevinskoj parceli (unutar gabarita objekta ili u vidu izgradnje pomoćnog objekta-garaže, odnosno na otvorenom parkiralištu u okviru pripadajuće građevinske parcele).

Parkiranje/garažiranje za objekte centralnih djelatnosti i sportske sadržaje je obezbijedeno na pripadajućoj građevinskoj parceli (unutar gabarita objekta ili na otvorenom parkiralištu u okviru pripadajuće građevinske parcele) i/ili u sklopu javnih garaža/parkinga.

Procjena potrebnog broja parking/garažnih mjesta se vrši na osnovu sljedećih normativa:

- za administraciju -1 parking mjesto na 30 m² BGP,
- za trgovinu - 1 parking mjesto na 60 m² BGP,
- za apartmanski i hotelski smještaj - 1 parking mjesto na 60 m² BGP (ili 1 parking mjesto na 3 ležaja) + 1 parking mjesto na 4 mjesta za sjedenje (restoran),
- za bolnicu -1 parking mjesto na 4-6 ležajeva + 3-5 uposlenika,
- za sportske sadržaje -1 parking mjesto na 8-12 gledalaca.

Navedeni broj parking mjesta je minimalan broj parking mjesta u odnosu na planiranu maksimalnu BGP.

Namjena garažnog prostora se ne može mijenjati.

Član 22.

I fazom Plana utvrđene su sljedeće kategorije zelenila:

- zelenilo uz rezidencijalne objekte u funkciji turizma,
- zelenilo uz objekte centralnih djelatnosti,
- hortikulturno uređene površine sa vodenim akcentima,
- zelenilo u zoni sporta i rekreacije.

Površine utvrđene kao neke od ovih kategorija ne mogu se koristiti za druge namjene.

U zoni sporta i rekreacije i hortikulturno uređenih površina (sa vodenim akcentima) mogu se graditi objekti vertikalnog transporta (žičare i ski liftovi), površine za sport i rekreaciju i dječija igrališta, uz postavljanje urbanog mobilijara (klupe za sjedenje, kante za otpatke, rasvjetna tijela i sl.).

Uz pješačke staze-šetnice mogu se postaviti nadstrešnice sa klupama, koje trebaju biti izrađene od prirodnih materijala (drvo, kamen).

Min. 30% od ukupne površine građevinske parcele za gradnju rezidencijalnih objekata (u funkciji turizma) i objekata centralnih djelatnosti treba biti razervisano za zelene površine (autohtone vrste uglavnom stablašica, koje su primjerene ambijentu).

Kod projektovanja i izgradnje objekata, potrebno je sačuvati - koliko je moguće postojeća stabla a gdje bude potrebno predvidjeti zaštitno zelenilo u pravcu primarnih vjetrova, ne ugrožavajući vizure.

Tehnički prijem arhitektonskih i drugih građevina podrazumijeva i prijem izvedenih radova na uređenju slobodnih i zelenih površina.

Izgradnja i uređenje zelenih površina vrši se u skladu sa prethodno pribavljenom (odgovarajućom) dokumentacijom urađenom na osnovu Idejnog rješenja hortikulture, koja je sastavni dio I faze Plana.

Član 23.

Uslovi za sklanjanje stanovništva i materijalnih dobara moraju biti obezbijedjeni u skladu sa odredbama Zakona o zaštiti i spašavanju ljudi i materijalnih dobara od prirodnih i drugih nesreća ("Službene novine Federacije BiH", broj 39/03) i odredbama Uredbe o mjerilima, kriterijima i načinu izgradnje skloništa tehničkim normativima za kontrolu ispravnosti skloništa ("Službene novine Federacije BiH", broj 21/05).

Član 24.

Ova Odluka stupa na snagu danom objave na oglasnoj tabli Općine Trnovo, a naknadno će se objaviti u "Službenim novinama Kantona Sarajevo".

Broj 01-23-2278/16
15. juna 2016. godine
Trnovo

Predsjedavajući
Općinskog vijeća Trnovo
Zijo Krupalija, s. r.

Odluka objavljena na oglasnoj ploči Općine Trnovo dana 15.06.2016. godine.

Na osnovu člana 29. stav 2. i člana 47. stav 2. Zakona o prostornom uređenju ("Službene novine Kantona Sarajevo" broj 7/05), te člana 24. i 117. Statuta Trnovo ("Službene novine Kantona Sarajevo" broj 12/08), Općinsko vijeće Trnovo, na 21. sjednici, održanoj dana 14.06. 2016. godine, donijelo je

ODLUKU

**O USVAJANJU REGULACIONOG PLANA
"SPORTSKO-REKREACIONI CENTAR
BJELAŠNICA-DONJA GRKARICA-PREČKO POLJE -
KOLIJEVKA"**

- I FAZA-PREČKO POLJE -

Član 1.

Usvaja se I faza Regulacionog plana "Sportsko-rekreacioni centar BJELAŠNICA-DONJA GRKARICA-PREČKO POLJE-KOLIJEVKA" (u daljem tekstu: Plan).

Član 2.

I faza Plana se sastoji od tekstualnog i grafičkog dijela. Tekstualni dio sadrži:

- Postojeće stanje i projekciju izgradnje i uređenja prostorne cjeline sa namjenom površina i urbanističko-tehničkim uvjetima za izgradnju u okviru I faze Plana
- Odluku o provođenju I faze Plana

Grafički dio sadrži:

- Urbanizam prezentiran na odgovarajućem broju tematskih karata i to:
 - karta 1. - Izvod iz Prostornog plana Kantona Sarajevo
 - karta 2. - Ažurna geodetska podloga
 - karta 3. - Inženjersko-geološka karta
 - karta 4. - Postojeće stanje
 - karta 5. - Posjedovno stanje
 - karta 6. - Planirana namjena površina
 - karta 7. - Urbanističko rješenje - Razmještaj objekata sa namjenom i spratnošću
 - karta 8. - Mreža građevinskih i regulacionih linija
- Analitička obrada parcela
- Idejno rješenje saobraćaja
- Idejno rješenje snabdijevanja vodom i odvodnja otpadnih i oborinskih voda
- Idejno rješenje toplifikacije-gasifikacije
- Idejno rješenje elektroenergetike i javne rasvjete
- Idejno rješenje hortikulture
- Idejno rješenje telekomunikacione infrastrukture.

Član 3.

Po jedan primjerak ovjerenog elaborata nalazi se na stalnom javnom uvidu i čuva se u službi dokumentacije Općine Trnovo i Zavodu za planiranje razvoja Kantona Sarajevo.

Član 4.

Ova Odluka stupa na snagu danom objave na oglasnoj tabli Općine Trnovo, a naknadno će se objaviti u "Službenim novinama Kantona Sarajevo".

Broj 01-23-2279/16
15. juna 2016. godine
Trnovo

Predsjedavajući
Općinskog vijeća Trnovo
Zijo Krupalija, s. r.

Odluka objavljena na oglasnoj ploči Općine Trnovo dana 15.06.2016. godine.

Na osnovu člana 60. stav 3. Zakona o plaćama i naknadama u organima vlasti Federacije Bosne i Hercegovine ("Službene novine Federacije BiH", broj 45/10) i člana 24 i 117. Statuta općine Trnovo ("Službene novine Kantona Sarajevo", broj 12/08), Općinsko vijeće Trnovo, na 21. sjednici održanoj 14.06. 2016. godine, donijelo je

ODLUKU

**O IZMJENAMA I DOPUNAMA ODLUKE O
UTVRĐIVANJU PLAĆA I NAKNADA IZABRANIH
ZVANIČNIKA, NOSILACA IZVRŠNIH FUNKCIJA I
SAVJETNIKA U OPĆINI TRNOVO**

Član 1.

U Odluci o utvrđivanju plaća i naknada izabranih zvaničnika, nosilaca izvršnih funkcija i savjetnika u općini Trnovo ("Službene novine Kantona Sarajevo", br. 7/13 i 3/14), naslov Odluke mijenja se i glasi:

"Odluka o utvrđivanju plaća i naknada izabranih zvaničnika, nosilaca izvršnih funkcija, pravobranioca i savjetnika u općini Trnovo".

Član 2.

U članu 1. stav 1. iza riječi: Općinski načelnik, stavlja se zarez i dodaju sljedeće riječi: "općinski pravobranilac".

U članu 1. stav 3. u prvoj rečenici iza riječi: Općinskom načelniku, stavlja se zarez i dodaju sljedeće riječi: "općinskom pravobranioncu", a u drugoj rečenici iza riječi: općinski načelnik stavlja se zarez i dodaju riječi "općinski pravobranilac".

Član 3.

U članu 2. stav 1. tačka b. iza podtačke 1) dodaje se nova podtačka 2), koja glasi:

"Općinski pravobranilac u iznosu 6,2"

Dosadašnja podtačka 2) postaje podtačka 3)

Član 4.

Ova Odluka stupa na snagu danom objavljivanja na oglasnoj ploči općine Trnovo, a naknadno će se objaviti u "Službenim novinama Kantona Sarajevo".

Broj 01-02-2280/16
15. juna 2016. godine
Trnovo

Predsjedavajući
Općinskog vijeća Trnovo
Zijo Krupalija, s. r.

Odluka objavljena na oglasnoj ploči Općine Trnovo dana 15.06.2016. godine.

Na osnovu člana 70. Odluke o vodovodu i kanalizaciji ("Službene novine Kantona Sarajevo", broj 19/11) i člana 24. Statuta Općine Trnovo, ("Službene novine Kantona Sarajevo", br. 12/08), na prijedlog JKR "Trnovo" d.o.o. Trnovo, Općinsko vijeće na 21. sjednici, održanoj dana 14.06.2016. godine, donosi

ODLUKU

**O UTVRĐIVANJU CIJENA ZA ODRŽAVANJE
POTROŠAČKOG MJESTA**

Član 1.

Ovom odlukom utvrđuju se cijene za održavanje potrošačkog mjesta JKP "Trnovo" d.o.o. Trnovo, po kategorijama kako slijedi:

Kategorija kupaca		Iznos naknade za održavanje potrošačkog mjesta (fiskalni dio cijene usluge vodosnadbjevanja)
Fizička lica		1,70 KM
	Profil 1/2" - 1"	2,50 KM
	Profil 5/4" - 6/4"	4,00 KM
	Profil 2" i preko	7,00 KM